



UNIVERSITÄTS-
BIBLIOTHEK
PADERBORN

Universitätsbibliothek Paderborn

Lex Talionis XII. Tabvlarvm Cardinali Baronio Ab Isaaco Casavbono Dicta

Rosweyde, Heribert

Antverpiae, 1614

Isaace Casavbone, Agnoscisne legem, quam tute tibi Baronioque ...

urn:nbn:de:hbz:466:1-10692

ISAACE CASAVBONE,

AGNOSCISNE legem, quam tute
tibi Baronioque tulisti, fixisti? Non
ego intercedam, non eam refigam. quin imò
me postulante, ZOESIO Cos. auctore,
in XII. Tabulas referatur.

Sed quantò tu rectiùs fecisses, Casaubo-
ne, si domi tuæ Comici illud tecum retra-
ctasses?

Leges miseræ ad parietem erant Plaut.
fixæ clavis ferreis, Trin.

Vbi malos mores affigi nimio
fuerat æquius.

sustinuisses à calamo manum, & FRAV-
DIS secundum pectus ad simplicis colum-
bæ mores castigasses; crassissimas IGNO-
RANTIAE tuæ paludes unius Ecclesiæ
Sole siccastes: non Sacras litteras peruersè,
non Patres irreuerenter, non historiam infi-
dè tractasses.

Quòd si quæ recta contra Baronium
adfers,

** 5

adfers,

Gell. l. 4.
c. 1.

Scal. Præ-
fat. Ifag.

adfers, sunt ferè scholica quedam nugalia,
quibus ab omni ævo Grammatici arduis su-
perciliis sese ostentant, ut ille olim, ne-
scio quis, coram Phauorino Philosopho.
Critici verò ad calumnias etiam abeunt;
sine contumeliâ scribere non possunt: ut
verissimè Scaliger dixerit: Ventosissima
& futilissima omnium, qui litteras
tractant, graculorum Criticorum
natio; non solùm liberalium artium,
sed etiam omnis ciuilitatis & huma-
nitatis expers: nullum librum insti-
tuere potest, nisi eum à contumeliâ
incipiat, & in contumeliâ terminet.
Diceres ex oraculo hæc verba profecta. Ita
seipsum Scaliger, ita te quoque hoc tuo
postremo contra Baronium opere descripsit.

Ut primùm amicus tuus, Bibliothecæ
Palatinæ præfectus, in librum tuum oculos
Francofurti coniecit: Peristi, Casaubo-
ne, peristi, exclamauit: quòd facile augu-
raretur fore, ut dum Criticus inaccessa pro-
fanis

fanis sacratoris litteraturæ adyta tentat
ingredi, in præceps rueret. Et hunc non
vanum fuisse augurem, tuo malo doctus
ipse dices. Equidem quicumque hoc ulti-
mum tuum scriptum legerit, adè te præfi-
dentem animaduertet, & tam intrepidè de
rebus Theologicis loquentem, atque si totâ
vitâ tuâ nullos alios quàm Theologie Scho-
lasticæ auctores tractasses. Sed ab omni
æuo verum fuit: Multos esse thyrsige-
ros, paucos Bacchos. Nunc Tabella-
ria tua consulamus.



INDEX